



চট্টগ্রাম সিটি কর্পোরেশন

জনসংযোগ শাখা

চট্টগ্রাম

মোবাইল নং-০১৮২৪৪৭৭৬৯৩



(প্রেস বিজ্ঞপ্তি-১)

বঙ্গবন্ধু শেখ মুজিবুর রহমানের জন্মশত বার্ষিকী উদযাপন অনুষ্ঠানে মেয়র

বঙ্গবন্ধু শুধু বাংলাদেশের নয় বিশ্বের মানুষের কাছে অনুপ্রেরণার উৎস

চট্টগ্রাম-১৭ মার্চ ২০২১খ্রিঃ

বঙ্গবন্ধু শুধু বাংলাদেশের নয় বিশ্বের মানুষের কাছে অনুপ্রেরণার উৎস। তিনি যুগে যুগে স্বাধীনতার নিরন্তর আইকন এবং ক্যারিশমাটিক নেতা। বঙ্গবন্ধুর জন্মদিন আমাদের ইতিহাস। আমাদের স্বপ্নের সৌরভ। বাংলাদেশের স্বাধীনতার সুবর্ণজয়ন্তী সর্বকালের সর্বশ্রেষ্ঠ বাঙ্গালি জাতির পিতা বঙ্গবন্ধু শেখ মুজিবুর রহমানের ১০১ তম জন্মবার্ষিকীতে জাতীয় শিশু দিবস পালন উপলক্ষে আজ সকাল ১০ টায় এম. এ. আজিজ স্টেডিয়াম সংলগ্ন জিমনেশিয়াম চত্বরে চট্টগ্রাম সিটি কর্পোরেশন আয়োজিত আলোচনা সভা, সাংস্কৃতিক অনুষ্ঠান, ক্ষুদে মুজিবদের ৭ই মার্চের ভাষনের শিশু উৎসব ও কেক কাটা অনুষ্ঠানে প্রধান অতিথির বক্তব্যে চট্টগ্রাম সিটি কর্পোরেশনের মেয়র মো. রেজাউল করিম চৌধুরী একথা বলেন। চসিকের প্রধান নির্বাহী কর্মকর্তা কাজী মুহাম্মদ মোজাম্মেল হকের সভাপতিত্বে ও কংকন দাশের সঞ্চালনায় অনুষ্ঠিত অনুষ্ঠানে আরো বক্তব্য রাখেন কাউন্সিলর হাসান মুরাদ বিপ্লব, মো সলিম উল্লাহ বাচ্চু, শহিদুল আলম, গোলাম মোহাম্মদ জোবায়ের, নাজমুল হক ডিউক, জোবাইদা নাগিসা খান, আফরোজা কালাম, প্রধান প্রকৌশলী লে. কর্ণেল সোহেল আহমদ, ভারপ্রাপ্ত সচিব ও প্রধান রাজস্ব কর্মকর্তা মোহাম্মদ নজরুল ইসলাম, প্রধান শিক্ষা কর্মকর্তা সুমন বড়ুয়া, মেয়রের একান্ত সচিব মুহাম্মদ আবুল হাশেম, উপ-সচিব আশেক রসুল চৌধুরী টিপু, শিক্ষক আলী আকবর, সিবিএ নেতা মোহাম্মদ ইয়াছিন। চসিক মেয়র বলেন আমরা যারা রণাঙ্গনে ছিলাম এবং অস্ত্র হাতে হানাদার বাহিনীর উপর ঝাঁপিয়ে পড়েছিলাম বঙ্গবন্ধুর এ ৭ই মার্চের ভাষণটি ছিল আমাদের জন্য যুদ্ধ জয়ের মন্ত্রনা। তিনি আরো বলেন বাঙালির ইতিহাসে তীতুমীর, হাজী শরিয়ত উল্লাহ, দেশবন্ধু চিত্তরঞ্জন, শেরে বাংলা এ কে ফজলুল হক, মাওলানা ভাসানী সহ অনেক নেতাই জাতিকে মুক্তি দিতে সংগ্রাম ও ত্যাগ স্বীকার করেছেন। তারা সফল হতে পারেন নাই পরিপূর্ণভাবে। একমাত্র বঙ্গবন্ধু শেখ মুজিবুর রহমান বাঙালীর হাজার বছরের স্বপ্ন পূরণে একটি নিরস্ত্র জাতিকে সশস্ত্র জাতিতে পরিণত করে মহানায়কের আসনে অলংকৃত হয়েছেন। অনুষ্ঠানে বঙ্গবন্ধুর ১০১তম জন্মদিনে কেক কাটা ও বেলুন উড়িয়ে জন্মদিন উদযাপন করা হয়। অনুষ্ঠানে ক্ষুদে মুজিবদের (১০০ জন মুজিব পোশাক পরিহিত ছাত্রছাত্রীদের) পক্ষে ভাষন প্রদান করেন ক্ষুদে মুজিব আব্দুল্লাহ আল সোহান। পরে সাংস্কৃতিক অনুষ্ঠানমালা অনুষ্ঠিত হয়।

(প্রেস বিজ্ঞপ্তি-২)

বঙ্গবন্ধু শেখ মুজিবুর রহমানের জন্মশত বার্ষিকী উদযাপনে চসিক জেনারেল হাসপাতালে ফ্রি চিকিৎসা উদ্বোধনকালে মেয়র

“বাংলাদেশ আর বঙ্গবন্ধু”

বাঙালির হৃদয়ে স্থান করে নেওয়া দুটি নাম : চসিক মেয়র

চট্টগ্রাম-১৭ মার্চ ২০২১খ্রিঃ

চট্টগ্রাম সিটি কর্পোরেশনের মেয়র মো. রেজাউল করিম চৌধুরী বলেছেন বাঙালির হৃদয়ে স্থান করে নেওয়া দুটি নাম “বাংলাদেশ আর বঙ্গবন্ধু” যা কোনদিন মুছে ফেলা যাবে না। বাঙালীদের স্বাধীনতা এনে দেওয়ার প্রয়াস অনেক বাঙালী নেতার মাঝেই দেখা গিয়েছিল। দেশবন্ধু চিত্তরঞ্জন দাশ, শেরে বাংলা এ কে ফজলুল হক, গণতন্ত্রের মানসপুত্র হোসেন শহীদ সোহরাওয়ার্দী, মাওলানা ভাসানী এঁদের অবদান বাঙালির কাছে চিরস্মরণীয়। তবে বঙ্গবন্ধু পূর্বের সকলকে ছাড়িয়ে গেছেন। স্বাধীন বাংলাদেশের জন্ম দিয়ে তার খ্যাতি ছড়িয়ে আছে বিশ্বময়। ১৭ মার্চ বাংলাদেশের ক্যালেন্ডারে সবচেয়ে গুরুত্বপূর্ণ দিন। এই দিনে খোকা নামের সেই শিশুটি পরে হয়ে ওঠেন নির্যাতিত নিপীড়িত বাঙালীর ত্রাতা ও মুক্তির দিশারি। আজ বৃহস্পতিবার সকালে জাতির পিতা বঙ্গবন্ধু শেখ মুজিবুর রহমানের জন্মশতবার্ষিকী ও জাতীয় শিশু দিবস ২০২১ মুজিব শতবর্ষ পালন উপলক্ষে চট্টগ্রাম সিটি কর্পোরেশন আয়োজিত কেন্দ্রীয় পর্যায়ে ফ্রি চিকিৎসা ক্যাম্প উদ্বোধন

উপলক্ষে প্রধান অতিথির বক্তব্যে সিটি মেয়র এসব কথা বলেন। সদরঘাটস্থ চসিক জেনারেল হাসপাতালে চসিক প্রধান স্বাস্থ্য কর্মকর্তা ডা. মো সেলিম আজারের সভাপতিত্বে অনুষ্ঠিত অনুষ্ঠানে বক্তব্য রাখেন কাউন্সিলর আবদুস সালাম মাসুম, গিয়াস উদ্দীন, পুলক খাস্তগীর, আবুল হাসনাত মোহাম্মদ বেলাল, নীলু নাগ, আনজুমানা আরা, চসিক প্রধান নির্বাহী কর্মকর্তা মুহাম্মদ মোজাম্মেল হক, মেয়রের একান্ত সচিব মুহাম্মদ আবুল হাশেম, ডা. মোহাম্মদ আলী, অতিরিক্ত প্রধান পরিচ্ছন্ন কর্মকর্তা মোর্শেদুল আলম চৌধুরী, প্রণব শর্মা প্রমুখ। চসিক মেয়র আলোচনা শেষে চসিক জেনারেল হাসপাতালের ফ্রি চিকিৎসা কার্যক্রমের উদ্বোধন করেন। ফ্রি চিকিৎসা কার্যক্রম উদ্বোধন কালে মেয়র বলেন, করোনা দ্বিতীয় ঢেউ আবার চোখ রাঙ্গণে শুরু করেছে। এই অতিমারি থেকে বাঁচতে আমাদের জন সমাগম এড়িয়ে সকল স্বাস্থ্য বিধি মেনে চলতে হবে। তিনি জনসচেতনতা বৃদ্ধির কাজও চালিয়ে যেতে আহ্বান জানান। চট্টগ্রাম সিটি কর্পোরেশন আয়োজিত অন্যান্য অনুষ্ঠানের মধ্যে ছিল সকাল সাড়ে আটটায় চসিক প্রধান নগর ভবন বাটালিহিল টাইগারপাসে বঙ্গবন্ধুর প্রতিকৃতিতে পুষ্পস্তবক অর্পন, দুপুর সাড়ে ১২ টায় প্রিয়া কমিউনিটি সেন্টারে এতিমদের মাঝে বস্ত্র ও খাবার বিতরণ, বিকাল ৪ টায় জাতীয় শ্রমিক লীগের উদ্যোগে আলোচনা সভা, কাউলী নুরুল হক চৌধুরী উচ্চ বিদ্যালয়ে আলোচনা সভা, অদिति সঙ্গীত নিকেতনে আলোচনা সভাসহ অনুষ্ঠান সমূহে প্রধান অতিথি হিসেবে উপস্থিত ছিলেন চসিক মেয়র রেজাউল করিম চৌধুরী, অন্যান্যদের কাউন্সিলর গিয়াস উদ্দীন, ড. নেছার উদ্দীন আহম্মদ মঞ্জু, আবুল হাসনাত মোহাম্মদ বেলাল, মো. সলিম উল্লাহ, গোলাম মোহাম্মদ জোবায়ের, শহিদুল আলম, হাসান মুরাদ বিপ্লব, আফরোজা কালাম, নিলু নাগ, আনজুমান আরা, চসিক প্রধান নির্বাহী কর্মকর্তা কাজী মুহাম্মদ মোজাম্মেল হক, মেয়রের একান্ত সচিব মুহাম্মদ আবুল হাশেম, অতিরিক্ত প্রধান হিসাব রক্ষন কর্মকর্তা হুমায়ুনকবির চৌধুরী, উপ সচিব আশেক রসুল চৌধুরী টিপু, প্রধান পরিচ্ছন্ন কর্মকর্তা শফিকুল মান্নান সিদ্দিকী, মোর্শেদুল আলম চৌধুরী।

স্বাক্ষরিত/-

(কালাম চৌধুরী)

জনসংযোগ কর্মকর্তা (অতি. দায়িত্ব)

চট্টগ্রাম সিটি কর্পোরেশন।

মোবাইল-০১৮২৪-৪৭৭৬৯৩

